

SARS E IPILETŠA GO BALEFELA MOTŠHELO BAO E SEGO BA SEBAKANYANA GO FAELA DIPUŠETŠO TŠA BONA TŠA MOTŠHELO WA LETSENO PELE GA LETŠATŠI LA MAKGAOLAKGANG LA 20 DIPHALANE

Tshwane, 15 Diphlane 2025 — Ditirelo tša Motšhelo tša Afrika Borwa (SARS) di gopotša balefela motšhelo bao e sego ba sebakanyana gore letšatši la makgaolakgang la go romela dipušetšo tša ngwaga ka ngwaga tša motšhelo wa letseno ke la 20 Diphlane 2025.

SARS e šomile ka maatla ka mo e ka kgonago go nlofatša le go thekga tshepetšo ya go faela. Ka kaonafatšo ya diplatformo tša ditšithale, *Auto Assessment*, le phihlelelo ya megala ya go fihlelela thušo, balefela motšhelo ba filwe maatla a go fihlelela boitlamo bja bona gabonolo le ka kgonagalo.

Bjale ka ge go šetše matšatši a mahlano pele ga letšatši la makgaolakgang, Khomišinare wa SARS Edward Kieswetter o hlohleletša balefela motšhelo go diriša monyetla wa matšatši ao a šetšego go faela dipotšišo tša bona. O gatelletše boitlamo bja semolao bja go faela dipušetšo ka nako le ka botlalo.

Khomišinare o ipiletša go balefela motšhelo ka moka go se hlokomologe boitlamo bja bona bja motšhelo: go palelwa ke go romela pušetšo ya motšhelo ka letšatši la makgaolakgang ke bosenyi bjo bogolo kudu, go se obamele go ka lebiša go dikotlo tša taolo le ditefišo tša ditswala. Bjale ka karolo ya nepo ya leano la rena la go hlohleletša obamelo ka boithaopo le go tiišetša molao, SARS e tlo tšwelapele go šupetša le go tšea magato kgahlanong le bao ba sa fihlelelego boitlamo bja bona bja motšhelo.

Khomišinare Kieswetter gape o katološitše koketšo ya 80% ya balefela motšhelo bao ba faetšego pele ga letšatši la makgaolakgang la 20 Diphlane 2025. Go akaretša palo ya go batamela 6 million ya balefela motšhelo bao ba lekotšwego ka othomethiki gape ba amogetše dipušetšo tša bona tša ditšhelee mo diiring tše 72. Boitlamo bja obamelo bo bapala karolo e bohlokwa ya kago ya pušo ya bokgoni le lefela ditšhelete tša setšhaba. E tliša phapano maphelong a batho ba bantši.

Balefela motšhelo ba bantši ba letela metsotso ya mafelelo go faela dipušetšo tša bona, ka holofelo ya go fihlelela letšaši la makgaolakgang. Le ge go le bjalo, go šoma

ka lepotlapotla go baka diphošo, dikahlolo tšeo e sego tšeo e sego tša maleba, tšhaparego ya go se hlokege, methaladi e metelele ya lekala la SARS. SARS e ipiletša go balefela motšhelo go romela dipušetšo tša motšhelo mola go sa na le nako ya go nagana botse le go efoga diphošo. Go faela ka pela go šireletša balefela motšhelo go dikotlo le go kgonthiša pušetšo ya tšhelete, ge eba e swanetše go lefelwa, e tlo lefelwa mo diiring tše 72.e

Bjale ka ge go šetše matsatši a ma hlano pele ga letšatši la makgaolakgang, balefela motšhelo bao e sego a sebakanyana ba ba 7 900 531 ba šetše ba faetše dipušetšo tša bona tša motšhelo, gomme ke palo ya 854 408 yeo e sa šaletšego. Ka ngwaga wa motšhelo wa 2024, palo ya go feta 6.7 million ya balefela motšhelo bao e sego ba sebakanyana ba faetše dipušetšo tša bona tša motšhelo wa letseno, go akaretša bao ba etšwego ka mokgwa wa othomethiki.

Go hwetša tshedimošo enngwe, ka kgopelo ikgokaganye le SarsMedia@sars.gov.za
SEPHETHO